

四部文明

文懷沙主編

隋唐文明卷



西安曲江文化產業投資集團支持

(六十)

陝西震旦漢唐研究院 編纂
陝西人民出版社

Z42
1
(4:60)

四部文明

文懷沙主編

隋唐文明卷

六十

陝西震旦漢唐研究院編纂
陝西人民出版社

隋唐文明

第六十卷目錄

全隋唐文十

欽定全唐文一千卷(八)(卷三五三至三九九)

[清] 董誥等纂

三

全隋唐文

十



全圖經文

欽定全唐文卷三百五十三目錄

唐道周

青州雲門山功德銘

楊慎矜

對吏脫幘判

對馬驚師徒判

對徙鄉判

房翰

大唐揚州大都督府六合縣冶山祇洹寺碑

欽定全唐文

卷三百五十三

目錄

一

王守泰

記山頂石浮圖後

齊澣

請禁鞭撻僧道奏

請開伊婁河奏

苗晉卿

上肅宗辭攝冢宰表

上代宗辭攝冢宰表

皇帝奉迎上皇請編史冊表

對文詞雅麗策

對不帥楚寄軍獻二毛判

壽州刺史郭公神道碑

啖助

春秋統例序

春秋統例自序

王岳靈

對升高判

責龜文

欽定全唐文

卷三百五十三

目錄

二

欽定全唐文卷三百五十三

唐道周

道周開元十九年承議郎行益都縣令

青州雲門山功德銘

夫代上役役人間蚩蚩茫是非之環溺死生之海者久矣

六代祖後魏使持節青州諸軍事青州刺史諱輪作牧慈

仁道被東夏逮從祖諱季卿剖符關二太庇關一人暨級

貞休關二是邦纂關一丕烈關二以冥應關六嗟嗟

淨業關六羣生關三屬介關一大千之徒關一於

欽定全唐文卷三百五十三

唐道周 楊慎矜

初翹勳最尊關三嵯峨是業關四涌沈關六凶

測惟像關二能不關二

楊慎矜

慎矜戶部尚書隆禮子初為汝陽令遷侍御史天寶二年

授諫議大夫擢御史中丞遷戶部侍郎李林甫惡之作飛

牒告慎矜謀反榜掠服之詔賜死寶應初復官爵

對吏脫幘判

文苑英華卷五四九

得丁為吏脫幘挂縣門而去斷不應為

天育萬類人含五情行藏殊途語默分緒故有晏安榮利

入朝廷而風趨脫落塵紛遁精白以雲卧丁以情忘寵辱

跡尚真開陶潛屈身繫在彭澤安石有志終憶東山厭吏

隱之喧卑倚劍不樂出都門之慷慨挂幘長辭得五倫之

遺風掩逢萌之往跡清聲可以激貪鄙美事足以光圖書

于何不臧反以為罪昔漢皇御宇且高疏廣之才今唐堯

握圖宜遂許由之性

對馬驚師徒判

文苑英華卷五二三

卜氏為御馬驚師徒小却監軍糾為無勇卜氏

遂死之或誅其功監軍請寘于理誅者執云非

欽定全唐文卷三百五十三

楊慎矜

罪

邊候時警聞列將之授師戎車放行有僕夫之執御白刃

交下望軍麾而且前紅塵四飛聞戰鼓而俄駭甚朽索之

為御因交綏而小却疇昔為政雖異羊斟不仁今時敗績

還同卜國無勇結纓而盡復矢空非請易其名蓋難需於

下士將寘於理焉可罪於亡魂雖聞舊經非辜當失不誅

不罪斯焉取斯

對徒鄉判

文苑英華卷五二九

甲徙於他鄉無旌節津吏輒以圖土內之彼告

非法

買遷不倦人且知往奔亡或生政亦嚴禁是以變而惟適時政任於磽肥行必有由誠取驗於旌節惟甲素非地著身同梗泛喬木森在忽辭違於舊居斷蓬孤飛方行邁於他國行則無驗動而見疑津途已驗寧遇長沮之問獄戶旋開行逢士師之鞠且夫爲政以簡貴清澆訛職司其居務取懲察雖率土之內莫非王臣而遷人之中或有姦者旌節雖且云復關山如何得踰詰其所由方盡于理致之獄吏夫何有違竊惟至公之道難加津吏之罰

欽定全唐文

卷三百五十三

楊慎矜 房翰

三

房翰

翰開元二十三年朝請郎行六合縣令

大唐揚州大都督府六合縣冶山祇洹寺碑

昔者迦維誕聖堯率降靈雞足巖門以一音成佛象頭山上以三事教人舒慧日之光無幽不燭灑甘露之法隨器皆盈談法界之虛空演妙門之眞實及夫涅槃示滅舍利傳靈金人見於漢宮白馬來於西國由是綿花與旨貝葉眞文流行域中遍滿天下國城聚落多葺禪宮山水園林散開精舍黃金布地則龜甲成文紫玉爲階則龍鱗疊彩

希向者六根俱淨住持者五蘊皆空或有漏之良因得無生之法忍則知佛之教也其大矣哉夫揚州六合縣冶山祇洹寺者創自吳朝初爲像塔泊乎梁代更立道場以地若祇洹故寺標美號宋國公鎮吳州之日紺殿初營隋皇帝爲晉王之辰白樓方立其後隋室板蕩玉石俱焚唐運中興土木重建鐘應霜而復響爐含煙而更芬時有比丘僧智口惠慈等望攀澄什德冠卿雲精修六通妙達三昧想千花之帳懷四極之臺迺復營爲便成結闕一座飛萬

欽定全唐文

卷三百五十三

房翰

四

窈影殿陰岑鳳跂雕甍龍盤繡柱三百間之邃宇頽聖昭明十八變之雲圖丹青炳煥大乘法藏飭以七珍廣座眞容襄以百寶靈仙掣曳於梁棟若往若來神鬼闕一頓於戶窻或俯或仰入海功就豈惟舍衛國人動山力成何必商那長者能使毒龍作禮屢集法筵乳鳥來馴每遊禪窟忍辱之草垂曉露以飏光歡喜之花搖春風而散彩其地則棠邑東嶺廣陵西巖背淮面江倚山枕壑鐵冶騰光而赫赫上燭霞空石梁激溜而洄洄旁亘煙野澗谿豁險巖岫纒連豐草羅生闕一林解脫塔闕大師經行之地二

上人並勤修淨行高視法朋踐無垢之清塵談不開一之

勝躅識我相非相知色空是空乘慈惠力解煩惱縛其時

字 人八百因立村名世界三千俱傳法號或悲薪盡山

門爲之洞開或歎焚庭樹爲之彫落真儀滅已圖像儼

然可以導利迷途可以發明覺路者矣復有門人曇影心

內珠融法侶多文掌中印發實道門之龍象爲法海之舟

航並結念四禪澄襟八解幽靈已度盛德仍傳今上座懷

亮寺主惠勗都師德本道裕元逸惠瑳等揚枹淨域鼓棹

法流發四諦之良音辯百非之妙旨遊遨寂境乘紺馬而

欽定全唐文

卷三百五十三

房翰

五

濟時出入眞門駕白牛而拯俗菩提樹下脫落囂塵般若

路旁修持行果蹈如來之閭域度菩薩之津梁雖佛在虛

空固難聞見而人瞻影像或易依憑迺修飭殿臺洒掃院

宇擊法鼓以警俗聲雜雷霆然慈燈以著明光耀日月以

爲雪山童子妙贊神功阿斯仙人能宣佛教於是求翠錦

之石既已琢磨假黃絹之詞方希筆削翰學慙初日才愧

凌雲舅氏能詩無因酷似家庭聞禮有恨闕如空調單父

之弦彌乏河陽之藻辭不獲已敢作銘云

天大地大乃聖乃神感生諸佛覺悟黎人三千世界八萬

由旬咸開一性相俱超至真龍宮西秘象譯東闍貝葉假

言貫花妙典四禪備習三藏俱衍開勤誠開善棠邑之甸

冶山之旁宏開佛刹大啟僧坊徘徊廣院窈窕修廊日暖

冬屋風清夏堂莊嚴成就相好具足體色開金毫光散玉

十地部眾四大眷屬仰瞻尊顏護持芳躅開一石聳開一

香泉流砌竹林烟積庵果雲洗狂象來馴毒龍作禮青蓮

夜開赤蓮畫啟開二上德持律名僧行超惠遠道冠開朝

遊錫杖開一坐開虔奉真教規模法朋蠶蠶開一明明

惠智一心向佛五體投地悔過罪銷開福至開寧非我利

欽定全唐文

卷三百五十三

房翰 王守泰

六

王守泰

守泰莫州人

記山頂石浮圖後

金石萃編卷八三

大唐開元十八年金仙長公主爲奏聖上賜大唐新舊譯

經四千餘卷充幽州范陽縣爲石經本又奏范陽縣東南

五十里上城村趙襄子淀中麥田莊并果園一所及環山

林麓東接房南嶺南逼他山西止白帶山口北限大山分

水界並永充供給山門所用又委禪師元法歲歲通轉一

切經上延寶歷永福慈王下引懷生同攀覺樹粵開元廿

八年庚辰歲朱明八日前莫州吏部常選王守泰記送經
京崇福寺沙門智昇檢校送經臨壇大德沙門秀璋都檢
校禪師沙門元法

齊幹

幹字洗心定州義豐人聖厯初進士以拔萃補州司法參
軍景雲初官監察御史開元中累擢秘書少監出厯濠常
潤三州刺史徙汴州充兩道採訪使以老放歸田里天寶
初召爲太子少詹事留司東都卒年七十二贈禮部尚書

請禁鞭撻僧道奏

欽定全唐文

卷三百五十三

齊幹

七

伏以至道冲虛生人宗仰未免鞭撻孰瞻儀型其道士僧
尼女冠等有犯望准道格處分所由州縣官不得擅行決
罰如有違越請依法科罪仍書中下考

請開伊婁河奏

潤州北界隔江爲限每船繞瓜步江沙尾迂迴六十里多
爲風濤所損臣請於京口埭下直截渡江二十里開伊婁
河一十五里卽達揚子縣無風水之災歲收利有億並立
伊婁埭自是免漂損之災

苗晉卿

晉卿字元輔潞州壺關人第進士累進中書舍人天寶中
封高平縣男累遷憲部尚書兼左丞肅宗卽位拜左相封
韓國公改侍中冊爲太保罷政事永泰元年薨年八十一
贈太師諡曰懿獻元載入相以舊恩諷有司改諡文貞大
厯七年配享肅宗廟廷

上肅宗辭攝冢宰表

臣聞古者殷高宗在諒闇之中百官聽於冢宰更無事跡
但存文字且一時之事禮不相沿今殘寇猶虞日殷萬務
皆緣兵馬屯守討襲善算良謀立勝擒敵陛下若行古之

欽定全唐文

卷三百五十三

苗晉卿

八

道居喪不言蒼生何依百事皆廢伏讀國家起居注亦於
禮部檢見舊勅恭惟太宗高宗大行皇帝在位之日皆有
國哀視事不輟以爲君臨天下難徇常情今遺詔有處分
皇帝宜三日而聽政陛下遵太宗故事則無冢宰遵大行
皇帝遺詔便合聽朝萬姓禺禺不勝大願伏惟陛下知理
國之重順人心之切以義斷恩從宜無改今朝臣一命已
上皆言臣心昏貌朽加以疾病事有急遽斷在須臾凡聖
不同豈合受詔陛下發哀已五日矣願准遺詔聽政則四
夷萬國無任悲幸

上代宗辭攝冢宰表

臣以昔者天子居喪之時百官聽於冢宰者蓋君幼小御極事殷情理當然沿革不一今古異同而周武漢文合於通變垂範作則可舉而行又士或墨繅時遇金革豈非銜恤謂義在斷恩且百善之至無加於孝也其有容瘁心絕指景悼生此匹夫守節之常情殊王者嗣續之大計昨二十日陛下於大行皇帝柩前即位是承先帝遺顧之言亦前代不易之典則知所畧不爲害所存是適權防微滅端所利者大陛下因心純至天地明察伏以報劬勞之恩申欽定全唐文卷三百五十三苗晉卿九

皇帝奉迎上皇請編史冊表

伏見工部侍郎李遵及殿中監李輔國言皇帝於望賢宮奉迎上皇望樓趨馳捧足嗚咽問安既退侍膳皆親及出宮之時親選龍媒侍從歸闕孝敬之至傍感人神四海歸

心思深錫類羣臣何幸得親威美陛下武功冠於千古孝德踰於百王昔夏之有窮少康復其業漢之新莽光武繼其緒雖復崇名茂績輝映當時而皆曠日持久動數十載致使宗社郡邑盪無復遺未有如陛下神武奮發睿謀獨斷曾不再稔掃清羣凶奉迎聖皇不失舊物蒸蒸翼翼榮輝區宇考之傳記振古未聞天地人神孰不慶幸臣請編諸史冊傳之不朽

對文詞雅麗策

文苑英華卷四八五

問朕聞至道雖微不言而化皇天陰陽相叶其彝信寒暑

欽定全唐文

卷三百五十三

苗晉卿

十

而生成施雲雨而沐潤垂範作訓樹君育人時有澆淳教垂繁畧成湯既聖禹道云亡桑扈谷風屢動詩人之刺塞門反玷時遺宣父之嫌我國家拯彼頽綱開茲盛業朕以不德襲號乘時而皇極之道未敷謨明之軌尚闕思宏厥理其義安從至如視聽貌言恒若時若會極歸極作哲作乂一以貫之何方而可夫禮以飾情情疏則禮畧樂以通感感至則神和理內爲同修外爲異同異之用有味其功人俗未融佇明斯要又四時武德制自何君五行文始本之誰代昭德盛德莫辨所尊昭容禮容未詳所出悉情以

對用釋余疑

對陛下頃與三事大夫議于朝以計天下有奇才異行舍光而不揚其輝詔諸侯咸舉之臣實至愚不通大識循才審行不副高求臣聞論語曰天何言哉四時行焉百物生焉孝經曰王者則天之明因地之利以理天下是以其教不肅而成其政不嚴而理所謂天地設位聖人成能而保大定功勲業蓋時也逮金石斯細步驟不同時有澆淳教隨繁畧桑扈谷風之刺三歸八佾之嫌人用僭忒一至於此孔子曰上失其道人散久矣傳曰國家之弊恒必由之

欽定全唐文

卷三百五十三

苗晉卿

十一

陛下嗣守丕緒茂昭大德能使百家承式萬邦作乂所謂孕虞育夏甄殷陶周革弊移風自前代未有也陛下乃賜臣策曰皇極之道未敷謨明之軌尚闕者豈不以采芻蕘之義誠考試之端不宰其功俯垂下問實陛下謙德也微臣何足以知之制策曰至如視聽貌言恒若時若會極歸極作哲作乂一以貫之何方而可者臣聞劉歆以爲伏羲氏繼天而王受河圖則而畫之八卦是也禹理洪水天賜洛書法而陳之洪範是也故河圖洛書相爲經緯八卦九疇相爲表裏聖人行道各保其真若人有乖方數必徵於

錯逆政惟協雅理必應於調和考之咎徵粲然著矣陛下隨陽澤以著恩慎嚴霜以肅威鷹隼未擊爵羅不施草木未零山林不伐足可使垂景星而降甘露騰休氣而漏醴泉臣以爲一以貫之其道久矣制策曰禮以飾情情疏則禮畧樂以通感感至則神和理內爲同修外爲異同異之用有味其功人俗未融佇明斯要者臣聞六經之道同歸禮樂之用爲急孔子曰安上理人莫善於禮移風易俗莫善於樂董仲舒對策曰王者欲有所爲宜求其端於天道大者在於陰陽陽之爲德陰之爲刑王者承天意以從

欽定全唐文

卷三百五十三

苗晉卿

十一

事故務德教而省刑罰陛下修先王之好生存大易之緩死頃者省圉圖去桎梏此則省刑罰之謂也臣聞樂以理內爲同禮以修外爲異同則和親異則畏敬和親則無怨畏敬則不爭二者並行合爲一體揖讓而理天下者禮樂之謂也適時之要斯並存焉制策曰四時武德制自何君五行文始本之誰代昭德盛德莫辨所尊昭容禮容未詳所出悉情以對用釋余疑者臣以爲斯並漢主之樂載於班氏之書必先究其明徵考其敏博既勞更僕何易盡言雖敢畧而陳之尚未臻其極也臣聞易曰先王以作樂崇

德殷薦上帝以配祖考古者制宗廟太祝迎神於廟門其義也四時武德者漢文所作以示天下之安和也而武德奏于高廟焉五行舞者本之周武也秦始皇二十五年更爲五行也漢高祖六年更名曰文始以示不相襲也昭德盛德孝景孝宣之所以尊宗廟昭容禮容者出武德文始五行之舞也謹對

對不帥勅寄軍獻二毛判

文苑英華卷五五〇

國子監稱胄子不帥教將勅寄之省讓其侵冒刑章寔之理監固論不已 又軍旋凱獻俘毛

欽定全唐文

卷三百五十三

苗晉卿

十三

有二者執法止而勅之軍司云拔距投石者

文以經邦武以禦寇開石渠而設教整金鼓以宣威爰施上下之庠式奉孤虛之術語茲國序相彼軍容槐市立談未展先王之禮柳營作法但見將軍之令樞衣不聞守道擐甲已見伐功靡好成麟之名且許貪狼之意入室雖無鼓篋出塞終有解鞍既虧來學之能當令誘進未識出師之律誰爲否臧縱暴虎馮河猶期三省豈拔距投石方禽二毛夫子之道未行齊侯之失斯在自可因其零詠令爾志之各言豈得承彼凱歌遂責人之不法投諸勅寄稍均

東濕之嚴勅以干城恐挫橫行之氣矜乎愚戾何異宰子勸此苦辛宜哀去病握蘭稱過正合清明執簡彈違稍乖深識欲存疎網寧失不經

壽州刺史郭公神道碑

文苑英華卷九二一

公諱敬之字敬之昔王季之列乎周號叔之允或謂郭建國命氏百代可知則有燕昭築臺尊賢師隗漢祖分邑行賞封亭曾祖廣意光祿大夫生益儒爲馮翊之表也雞犬之聲相聞公先祖後徙宅於華山之下今爲華州鄭縣人也烈祖履球金州司倉大父昶涼州司法並不緒齊美不

欽定全唐文

卷三百五十三

苗晉卿

十四

殞其名端操履正有恒其德故鄉黨交友以爲法度嘗謂人曰吾居閑而不悶其寂望榮而不貴其厚有道則仕豈牽乎祿則居之所以從好利貞亦其自然所以不至大官大邑也各尚其志夫復何言皇考通美原主簿器大孤特識兼精照明究羣書英聲誇邁於遠近矣初履畿甸縉紳歸高將昇臺閣雲霄自遠惜乎才仰餘地命嗟促齡公受天正性承家高範致用成於私室可試進於公門望形而高深莫窺聽言而是非不惑所蒞造適不可得其詳也凡厯州掾至別駕者三轉府僚遷郎將者五兼團練監牧使

各一除吉渭綏壽刺史共四州累勲上柱國進階中大夫其牧守之理皆政聞一方化行千里變俗思義酌物從宜而節費尚儉用簡鎮靜清可率下寬能安眾舉事皆當察情必盡所謂愷悌君子人之父母何異乎仁風甘雨被於萬物也故天子璽書慰勉以彰分憂休蹟之聞焉未盡百祿可延三壽享年七十八以天寶三年正月十日遭疾終於京師常樂里之私第聞者永懷咨嗟揮涕夫人平原郡君河內向氏配哲生才夫賢子令德高佐美慈加訓深鳴呼哀哉慶可延而靈不祐先窮泉而別華堂天寶十三載

欽定全唐文

卷三百五十三

苗晉卿

十五

四月二十日合祔於京兆少陵原禮也頃羯虜犯順王師討逆公之子子儀任總元戎誓清大盜常山擒敵之後靈武翊聖之初成我六軍前驅效死於是掃秦里之寇復開奉天繫陝郊之俘更收洛邑加以蒲坂之下淇水之上摧暴廓地二城無虞況師不遷延功皆戰伐豈敢言病必先啟行此由許國捐軀輸忠奮勇或謂公曰書勲疇賞莫與爲二公曰我國家將去否復必反正仗聖威而誰敢不雄奉睿謀而舉無遺策非爲己力所謂天功帝曰朕嘉爾竭誠稟命平凶除惡遂自御史大夫拜兵部尚書同中書門

下平章事俄而改司空換僕射又除司徒兼中書令列爵代國實賦千戶蓋武定聲偉若茲巍巍者也他日又追贈公亡祖兵部尚書亡考太保亡妣魏國夫人弟姪子孫皆進祿位紆金紫此又殊常之恩也太保公禮畢封樹悲深歲月今慶延身後仰雨露而無涯德發生前比金石而不朽永言淑懿實在昭宣無窮之聞光乎刊刻銘曰

北州望崇左輔源同代無違德慶延我公仁能濟眾信必由哀邑裏疑支持凜凜清風知周才美君子不器豫州佐藩戎秩軍使砥開直道筆遣流事騏驎長途可遣百轡四

欽定全唐文

卷三百五十三

苗晉卿 啖助

十六

郡循良政一人康道之軌度終焉允臧於惟聖善輔訓義方何怙何恃痛極悲長少陵原上盡爲幽宅何代邱隴誰家松柏司徒所天太保追策哀榮超冠千秋聖澤行由已全名自人傳勒茲銘記表於墓田繼代者未知先德行路者過想遺賢紀實昭懿俾奮億年

啖助

助字叔佐趙州人後徙關中天寶末調臨海尉丹陽主簿秩滿屏居年四十七卒

春秋統例序

集傳通經意馬

王岳靈

岳靈開元中進士天寶中累官監察御史

對升高判

文苑英華卷五四四

解式與長年行因升高不從所視遂杖之式訴
州斷闕論省科失入

長者與行登高向視古之用典決事原心越則謂昏逞而
生害是夫鞠稚從陟邱陵已實處卑執奚有黷拾足于後
固合益恭肆目以遊無乃長傲遠有所望問而莫知使曳

欽定全唐文

卷三百五十三

王岳靈

大

言樂道堯舜之道以擬後聖是知春秋用二帝三王法以
夏爲本不壹守周典明矣又言幽厲雖衰雅未爲風逮平
王之東人習餘化苟有善惡當以周法正之故斷自平王
之季以隱公爲始所以拯薄勉善採周之敝革禮之失也

責龜文

唐文粹卷三三

春秋統例自序

三傳分流其源則同擇善而從且過半矣予考覈三傳舍
短取長又集前賢注釋亦以愚意裨補闕漏商榷得失研
精宣暢期於浹洽尼父之志庶幾可見疑殆則闕以俟君
子謂之春秋集傳集注又撮其綱目撰爲統例三卷以輔

欽定全唐文

卷三百五十三

王岳靈

大

何諸呂弄權昭大橫於漢帝帝辛毒痛匪告繇於周武揆
惡之輕重也呂之惡不浮於辛量德之休明也昌之德靡
及於發子二其行誰不解體矣夫義禮之與也信身之幹
也何陳氏之母不疾而稱疾魯孫之臣卜僭而告義喪於
禮失其徒實繁吾不殫悉考夫演卦繇者著也著之靈而
不如子之長定妍媸者鏡也鏡之明而不如子之知銘乎
竹帛萬代不泯奚起矛楯俾吾反惑於古人孰謂子原天
地之美達五行之理徒使疏淪澡雪仰止蒙求曾莫之校
何異乎曹邱生遇拒季布羊舌肸已虞國僑哉必以剝桂
欽定全唐文 卷三百五十三 王岳靈 无
刻漆非材木所願拔鷖裂冠非禽鳥所欲當潛伏翕灣違
禍譽呂九江錫命其可得乎豈不免氓之蚩蚩焚惑於耳
目也

欽定全唐文卷三百五十四目錄

宋昱

日暮碧雲合賦

對獻賢能書判

源涓

上雲氣圖奏

齊光義

安陵縣石記

後漢山亭鄉侯蔣澄碑

欽定全唐文 卷三百五十四 目錄

袁懷光

通元觀銅鐘銘

錢嘉會

睿宗配九月零壇享禮議

王從敬

授李彭年等中書舍人制

授陳山慶監察御史制

敬括

八卦賦

神著賦

季秋朝宴觀內人馬伎賦

花萼樓賦

嘉量賦

觀樂器賦

玉斗賦

羨魚賦

蜘蛛賦

枯楊生稊賦

欽定全唐文

卷三百五十四

目錄

二

豫章賦

建木賦

木蓮賦

蒲盧賦

對負劍辟咤判

對知名配社判

對易田請加倍數判

欽定全唐文卷三百五十四

宋昱

昱楊國忠之黨國忠領山南西道採訪處置使開幕府引以自佐又用爲御史督屯戍後官中書舍人元宗西幸國忠既誅昱亦爲亂兵所殺

日暮碧雲合賦

文苑英華卷一一

夕望兮見碧雲之出岑過太液拂上林配藜四施掩映千尋混蒼蒼之正色垂漠漠之輕陰西陸月弦南山風落輕濃象似倏忽龍蠖集高議之臺連寓直之閣亭亭廣陌異

欽定全唐文

卷三百五十四

宋昱

一

公子之飛蓋喬喬長空如美人之卷幕遂能不遠仙宅來遊帝鄉無心而生自浮洛以徼瑞感化而動乃干呂而呈祥同君子之出處均至人之行藏故吾儕從政之暇觀此而一詠一觴已平已乎余未始令可量者也

對獻賢能書判

文苑英華卷五一四

甲歲終致事不獻賢能之書御史糾不能教其所理辭曰待經三年則以禮賓之

考藝尚實進賢受賞必久於其道乃不失其人甲也齒鄉職於汲引觀其所與以德行爲先察其所安則文理爲後